

FRAMKVÆMDARÁKVÖRÐUN FRAMKVÆMDASTJÓRNARINNAR

2015/EES/55/19

frá 18. apríl 2013

um ársskýrslur um skoðanir án mismununar sem fara fram samkvæmt reglugerð ráðsins (EB)
nr. 1/2005 um vernd dýra í flutningi og tengdar aðgerðir og um breytingu á tilskipunum
64/432/EBE og 93/119/EB og reglugerð (EB) nr. 1255/97

(tilkynnt með númeri C(2013) 2098)

(2013/188/ESB) (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð ráðsins (EB) nr. 1/2005 frá 22. desember 2004 um vernd dýra í flutningi og tengdar aðgerðir og um breytingu á tilskipunum 64/432/EBE og 93/119/EB og reglugerð (EB) nr. 1255/97 ⁽¹⁾, einkum 2. mgr. 30. gr.,

og að teknu tilliti til eftirfarandi:

- 1) Í reglugerð (EB) nr. 1/2005 er mælt fyrir um reglur um flutning á lifandi hryggdýrum sem fer fram innan Sambandsins, þ.m.t. markvisst eftirlit sem embættismenn eiga að hafa með sendingum sem koma inn í eða fara út af tollsvæði Sambandsins. Í 1. mgr. 27. gr. reglugerðar (EB) nr. 1/2005 er kveðið á um að lögbært yfirvald eigi að hafa eftirlit með því hvort farið hafi verið að kröfum reglugerðarinnar með því að framkvæma skoðanir án mismununar á dýrum, flutningatakjum og fylgiskjólum (skoðanir án mismununar).
- 2) Auk þess er í 2. mgr. 27. gr. reglugerðar (EB) nr. 1/2005 kveðið á um að aðildarríki eigi að leggja ársskýrslu fyrir framkvæmdastjórnina, eigi síðar en 30. júní á hverju ári, um skoðanir án mismununar á næstliðnu ári (ársskýrslur). Ársskýrslunum á að fylgja greining á meiri háttar annmörkum sem komu í ljós og aðgerðaáætlun til að takast á við þá.
- 3) Í skýrslu framkvæmdastjórnarinnar til Evrópuþingsins og ráðsins um áhrifin af reglugerð ráðsins (EB) nr. 1/2005 um vernd dýra í flutningi ⁽²⁾ er talið að samþykking átti framkvæmdarráðstafanir varðandi eftirlit sem lögbær yfirvöld aðildarríkja eiga að framkvæma í samræmi við 1. mgr. 27. gr. reglugerðar (EB) nr. 1/2005.
- 4) Í skýrslunni var einnig komist að þeirri niðurstöðu að samræma ætti uppbyggingu skýrslukerfisins enn frekar því það gæfi betri og samanburðarhæfari gögn
- 5) Til samræmis við það ætti með þessari ákvörðun að koma á samræmdri fyrirmynd að eyðublaði fyrir ársskýrslurnar

(*) Þessi ESB-gerð birtist í Stjtið. ESB L 111, 23.4.2013, bls. 107. Hennar var getið í ákvörðun sameiginlegu EES-nefndarinnar nr. 80/2015 frá 30. apríl 2015 um breytingu á I. viðauka (Heilbrigði dýra og plantna) við EES-samninginn, biður birtingar.

⁽¹⁾ Stjtið. ESB L 3, 5.1.2005, bls. 1.

⁽²⁾ COM(2011) 700, lokagerð.

og einnig, í því skyni að draga úr stjórnsýsluálagi aðildarríkja, að kveða á um að senda eigi ársskýrslurnar á rafrænan hátt til framkvæmdastjórnarinnar.

- 6) Lögbært yfirvald framkvæmir skoðanir án mismununar á mismunandi stigum ferðarinnar. Þær fara fram fyrir brottför, meðan á ferðinni stendur, við komu á viðtökustað og eftir að ferðinni er lokið. Meðan á skoðun án mismununar stendur er lögbæru yfirvaldi heimilt að framkvæma fjölda skoðana til að sannreyna að farið sé að ákvæðum í löggjöf Sambandsins. Þetta getur falið í sér skoðun á því hvort dýrin séu í hæfu ástandi til flutnings, skoðun á því hvort flutningataki uppfylli kröfur í löggjöf Sambandsins eða hvort flutningsaðilinn hafi tilskilin leyfi. Flutningsaðilinn er e.t.v. upplýstur um það fyrirfram.
- 7) Flutningsaðilar gera oft ráð fyrir því að skoðanir án mismununar fari fram fyrir brottför í langar ferðir milli aðildarríkja og til og frá þriðju löndum og eftir komu á viðtökustað, þegar um er að ræða sláturhús, og slíkar skoðanir án mismununar taka oft til athugana á miklum fjölda af dýrum. Til samræmis við það ætti að skrá þessar skoðanir án mismununar aðskilið í ársskýrslurnar frá skoðunum af handahófi og áhættutengdum skoðunum án mismununar sem yfirleitt er ekki gert ráð fyrir og geta tekið til færri dýra.
- 8) Skoðanir án mismununar, sem fara fram fyrir ferð eða meðan á henni stendur, fela í sér skoðanir lögbærs yfirvalds á öllum fylgiskjólum sem krafist er að séu yfirvaldinu aðgengileg. Gera skal grein fyrir þessum skoðunum án mismununar aðskilið frá skoðunum án mismununar, sem fara fram eftir að ferð er lokið, sem fela í sér skoðanir á leiðarþókum eða útprentunum úr leiðsögukerfum í þeim tilgangi einum að staðfesta að farið sé að kröfunum, sem settar eru fram í liðum 1.4, 1.5, 1.7 og 1.8 í 1. þætti V. kafla I. viðauka við reglugerð (EB) nr. 1/2005, sem varða ferðatíma og hvíldartíma.
- 9) Til samræmis við það, til að tryggja réttan samanburð á upplýsingum sem safnað er í þessum skoðunum án mismununar, ætti í þessari ákvörðun að kveða á um þrjár tegundir mismunandi skoðana án mismununar sem gefa skal aðskildar skýrslur um í tengslum við ársskýrslurnar. Þessar þrjár tegundir mismunandi skoðana án mismununar ættu að taka til: a) skoðana án mismununar sem fara fram á brottfararstað áður en dýrin eru flutt langar leiðir milli

aðildarríkja og til og frá þriðju löndum og eftir að dýrin eru affermd úr flutningatækinu á viðtökustað, þegar um er að ræða sláturhús, b) skoðana án mismununar sem fara fram meðan á flutningi stendur og c) skoðana án mismununar sem fara fram eftir að flutningi lýkur til að staðfesta að farið sé að kröfum um ferðatíma og hvíldartíma.

- 10) Meðan skoðun án mismununar stendur yfir er lögbæru yfirvaldi heimilt að skoða eitt eða fleiri dýr, flutningatæki og fylgiskjöl. Niðurstaða skoðunar án mismununar getur leitt til tilvika þar sem lögbært yfirvald uppgötvar að ekki hafi verið farið að kröfum í reglugerð (EB) nr. 1/2005 og grípur til aðgerða til að takast á við vanefndirnar. Réttur samanburður á niðurstöðum slíkra skoðana án mismununar í aðildarríkjunum krefst þess að gerð sé grein fyrir þeim og tilkynnt um þær með samræmdum hætti.
- 11) Þessi tilskipun ætti að gilda frá 1. janúar 2015 til að gefa aðildarríkjunum nægan tíma til að laga landsbundin gagnasöfnunarkerfi sín að þeim upplýsingum sem krafist er að komi fram í ársskýrslunum í samræmi við þessa ákvörðun.
- 12) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um matvælaferlið og heilbrigði dýra.

SAMÞYKKT ÁKVÖRÐUN ÞESSA:

1. gr.

Efni og gildissvið

Í þessari ákvörðun er mælt fyrir um reglur um ársskýrslur um skoðanir án mismununar sem aðildarríkin skulu leggja fyrir framkvæmdastjórnina eigi síðar en 30. júní á hverju ári í samræmi við 2. mgr. 27. gr. reglugerðar (EB) nr. 1/2005 (ársskýrslur).

Þessar reglur varða upplýsingar sem aðildarríkin skulu láta koma fram í ársskýrslum um skoðanir án mismununar á dýrum, flutningatækjum og fylgiskjöllum, sem lögbært yfirvald skal framkvæma í samræmi við 1. mgr. 27. gr. reglugerðar (EB) nr. 1/2005 (skoðanir án mismununar) og hvernig eigi að leggja þær fyrir framkvæmdastjórnina.

2. gr.

Upplýsingar sem eiga að koma fram í ársskýrslum og fyrirmynd að eyðublaði

1. Ársskýrslurnar skulu innihalda eftirfarandi upplýsingar um skoðanir án mismununar, skipt niður eftir dýrategundum og tegund skoðunar án mismununar og eins og um getur í I. viðauka við þessa ákvörðun og í skýringunum sem settar eru fram í II. viðauka við hana:

- a) heildarfjöldi mismunandi tegunda skoðana án mismununar, sem lögbært yfirvald framkvæmir, þar sem dýr, flutningatæki eða fylgiskjöl hafa verið skoðuð eins og um getur í A-þætti töflu 1 í 2. hluta I. viðauka og í 1. hluta II. viðauka,
- b) fjöldi dýra, flutningatækja eða fylgiskjala sem lögbært yfirvald skoðaði með fullnægjandi hætti meðan skoðanir án mismununar stóðu yfir, eins og um getur í B-þætti töflu 1 í 2. hluta I. viðauka, sem skal einungis taka til:
- i. fjöldi dýra sem hafa verið skoðuð með athugun,
 - ii. fjöldi flutningatækja sem hafa verið skoðuð með athugun; skoðanir sem eru hluti af málsmeðferð við samþykki í samræmi við 7. gr. reglugerðar (EB) nr. 1/2005 skulu þó ekki taldar með,
 - iii. fjöldi fylgiskjala, sem um getur í 4. gr. (2. mgr.) og 6 gr. (1. 5., 8., og 9. mgr.) reglugerðar (EB) nr. 1/2005 og í 5. og 8. lið II. viðauka við reglugerðina, sem lögbært yfirvald hefur fengið aðgang að og skoðað.

Þegar fleiri en eitt fylgiskjal hefur verið skoðað meðan ein skoðun stendur yfir má lýsa því yfir að um sé að ræða skoðun á einu skjali,

- c) flokk og fjöldi tilvika þar sem lögbært yfirvald uppgötvar, meðan á skoðun án mismununar stóð, að ekki hafi verið farið að kröfum í reglugerð (EB) nr. 1/2005, eins og um getur í töflu 2 í 2. hluta I. viðauka og í 2. hluta II. viðauka við þessa ákvörðun,
- d) flokk og fjöldi aðgerða sem lögbært yfirvald hefur gripið til í kjölfar þess að hafa uppgötvað tilvik þar sem ekki hefur verið farið að kröfum í reglugerð (EB) nr. 1/2005, eins og um getur í töflu 3 í 2. hluta I. viðauka og í 3. hluta II. viðauka við þessa ákvörðun,
- e) greiningu á meiri háttar annmörkum sem komu í ljós við skoðanir án mismununar og aðgerðaáætlun til að takast á við þá, eins og um getur í 3. hluta I. viðauka.

2. Leggja skal ársskýrsluna fyrir framkvæmdastjórnina á rafrænu formi, í samræmi við fyrirmyndina að ársskýrslunni sem sett er fram í I. viðauka, og fylla hana út í samræmi við skýringarnar sem settar eru fram í II. viðauka.

3. gr.

Beiting

Ákvörðun þessari skal beitt frá 1. janúar 2015.

4. gr.

Viðtakendur

Ákvörðun þessari er beint til aðildarríkjanna.

Gjört í Brussel 18. apríl 2013.

Fyrir hönd framkvæmdastjórnarinnar,

Tonio BORG

framkvæmdastjóri.

I. VIÐAUKI

Fyrirmynd að ársskýrslum sem aðildarríkin eiga að leggja fyrir framkvæmdastjórnina eins og getur í 1. og 2. gr.

ÁRSSKÝRSLA

um skoðun án mismununar á dýrum, flutningatæki og fylgiskjólum sem fer fram skv. 27. gr. reglugerðar (EB) nr. 1/2005

1. HLUTI

— Aðildarríki: [Aðildarríki]

— Árið þegar lögbært yfirvald framkvæmdi skoðun án mismununar sem um getur í þessari ársskýrslu: [áááá]

Samskiptaupplýsingar lögbærs yfirvalds sem ber ábyrgð á framkvæmd skoðana án mismununar, sem um getur í þessari ársskýrslu, eða ábyrgð á að leggja skýrsluna fram:

Heiti og hlutverk ábyrgs embættismanns lögbæra yfirvaldsins ...

.....

Lögbært yfirvald

Heimilisfang

Tölvupóstfang

Símanúmer

Flokkur vanefndar (*)												
4. Brynning og föðrun, ferðatími og hvíldartími												
5. Skjöl												
6. Önnur tilvik vanefnda												
Heildarfjöldi vanefnda	—	—	—	—	—	—	—	—	—	—	—	—

(*) Sjá 2. hluta skýringanna sem settar eru fram í II. viðauka.

Tafla 3

Flokkur og fjöldi aðgerða sem lögbært yfirvald hefur gripið til efnis að í ljós komu tilvik þar sem ekki hefur verið farið að ákvæðum reglugerðar (EB) nr. 1/2005

Flokkur vanefndar (*)												
A. Viðurlögum sem hefur verið beitt												
B. Framkvæmd og upplýsingaskipti												

(*) Sjá 3. hluta skýringanna sem settar eru fram í II. viðauka.

3. HLUTI

Greining á meiri háttar annmörkum sem komu í ljós við skoðanir án mismununar og aðgerðaáætlun til að takast á við þá, eins og kveðið er á um í 2. mgr. 27. gr. reglugerðar (EB) nr. 1/2005

[Aðildarríki]

[áááá]

1. GREINING Á MEIRI HÁTTARANNMÖRKUM SEM KOMU Í LJÓS VIÐ SKOÐANIR ÁN MISMUNUNAR

Að því er varðar þessa ársskýrslu telst eftirfarandi til meiri háttar annmarka:

.....

.....

.....

.....

.....

.....

2. AÐGERÐAÁÆTLUN TIL AÐ TAKAST Á VIÐ ANNMARKANA SEM LÝST ER Í 1. LIÐ

II. VIÐAUKI

Skýringar með fyrirmynd að ársskýrslu, sem sett er fram í I. viðauka, eins og um getur í 2. gr.

1. HLUTI

Tegundir skoðana án mismununar sem lögbært yfirvald framkvæmir

Tegundir skoðana án mismununar	Skoðanir sem fara fram:
1. Á brottfaraustað, eins og kveðið er á um í 2. mgr. 15. gr. reglugerðar (EB) nr. 1/2005 og eftir að dýrin eru affermd af flutningatækinu á viðtökustað, þegar um er að ræða sláturhús.	Dýr Flutningatæki Fylgiskjöl
2. Í flutningi	Dýr Flutningatæki Fylgiskjöl
3. Eftir að flutningi er lokið til að staðfesta að farið sé að kröfum um ferðatíma og hvíldartíma.	Fylgiskjöl - leiðarbækur eða útprentanir úr leiðsögukerfum

2. HLUTI

Flokkar þar sem ekki hefur verið farið að kröfum í reglugerð (EB) nr. 1/2005

Hver skoðun án mismununar, sem lögbært yfirvald framkvæmir, getur leitt til þess að fleira en eitt tilvik uppgötvist þar sem ekki hefur verið farið að kröfum í reglugerð (EB) nr. 1/2005

Flokkur vanefndar	Samsvarandi ákvæði reglugerðar (EB) nr. 1/2005
1. Hæfi til flutnings	Ákvæði b-liðar 3. gr. Ákvæði I. kafla og liðar 1.9 í VI. kafla I. viðauka
2. Aðferðir við flutninga, rými, innri hæð	Ákvæði d-, e- og g-liðar 3. gr. Ákvæði liðar 1.2 í II. kafla og III. og VII. kafla I. viðauka
3. Flutningatæki og viðbótarákvæði varðandi búfjárskip eða skip sem flytja gáma og varðandi langar ferðir.	Ákvæði c- og h-liðar 3. gr. Ákvæði II., IV. og VI. kafla I. viðauka
4. Brynning og fôðrun, ferðatími og hvíldartími.	Ákvæði a-, f- og h-liðar 3. gr. Ákvæði V. kafla I. viðauka
5. Flutningsskjöl; flutningsheimildir; hæfisskírteini öku- manns og samþykki fyrir flutningatæki. Leiðarbækur, aðrar en vanefndir sem um getur í 4. flokki.	Ákvæði 4. gr., 5. gr. (4. mgr.), 6. gr. (1., 5. og 8. mgr.), 17. gr. (2. mgr.) II. viðauki
6. Allar aðrar vanefndir sem ekki eru taldar með í fyrri flokkum.	

3. HLUTI

Flokkar aðgerða sem lögbært yfirvald grípur til í því skyni að takast á við tilvik þar sem ekki er farið að kröfum í reglugerð (EB) nr. 1/2005

Aðgerðaflokkur	Aðgerðir sem lögbært yfirvald hefur gripið til
A	Viðurlögum sem beitt er í samræmi við reglurnar sem mælt er fyrir um í landslögjöf skv. 25. gr. reglugerðar (EB) nr. 1/2005.
B	Framkvæmd og upplýsingaskipti í samræmi við 23. og 26. gr. reglugerðar (EB) nr. 1/2005.